

四庫全書

集部

欽定四庫全書

集部
御定詞譜卷九

詳校官檢討臣羅國俊

侍讀臣孫球覆勘

總校官檢討臣何思鈞

校對官中書臣徐秉敬

謄錄監生臣李連城

繪圖監生臣牛炳文

欽定四庫全書

御定詞譜卷九目錄

起五十字至五十二字

導引五體

思越人一體

探春令十三體

又名景龍銓

越江吟二體

又名宴瑤池

瑤池宴

瑤池宴令

燕歸梁四體

雨中花令十二體

又名送將歸

鳳來朝一體

秋夜雨一體

伊州令一體

又名伊川令

木筩一體

迎春樂七體

夢仙郎一體

青門引一體

菊花新二體

醉紅妝一體

思遠人一體

醉花陰一體

望江東一體

入塞一體

品令十二體

欽定四庫全書

御定詞譜卷九

起五十字至五十二字

導引

按宋鼓吹四曲悉用教坊新聲車駕出入奏導引此調是也宋史樂志正宮道調宮黃鍾宮大

石調黃鍾羽調正平調仙呂調凡七曲或五十字或加一疊一百字金史樂志五十字者屬無

射宮按無射宮

俗呼黃鍾宮

導引

雙調五十字前段五句三平韻後段四句三平韻

宋史樂志

無名氏

皇家盛事。三殿慶重重。聖主極推崇。瑤編寶列。

相輝映

句

歸美意何窮

韻

鈞韶九奏度春風

韻

彩仗

煥儀容

韻

歡聲和氣彌寰宇

句

皇壽與天同

韻

按宋史樂志郊祀藉田明堂各有導引或五十字者此體居多或一百字者後段即用此體

可仄悉參後詞故不復注

又一體

雙調五十字前段五句三平韻後段四句兩平韻

金史樂志

無名氏

五年一狩

句

仙杖到人間

韻

問稼穡艱難

韻

蒼生洗眼

秋光裏

句

今日見天顏

韻

金戈玉斧臨香火

句

馳道

六龍閑韻歌謠到處皆相似句天子壽南山韻

此與宋史樂志詞同惟換頭句不押韻宋兩段詞亦間用其體譜中平仄即參之

又一體

雙調一百字前段九句五平韻後段九句六平韻

宋史樂志

無名氏

民康俗阜句萬國樂昇平韻慶海晏河清韻唐堯虞舜

垂衣化句詎比我皇明韻九天寶命垂丕貺句雲物效

祥英韻星羅羽衛登喬嶽句親告禪云亭韻我皇垂

拱句惠化洽文明韻盛禮慶重行韻登封降禪燔柴畢

句 天仗入神京韻 雲雷布澤徧寰瀛韻 遐邇振歡聲韻

魏魏聖壽南山固 句 千載賀承平韻

此詞前段金史樂志詞體後段宋史樂志詞體 宋
史樂志別詞前段第一句紫霄金闕金字平聲第三
句尊祖奉高穹尊字平聲第六句嘉禾甘露登歌薦
甘字平聲後段第四五句道高堯舜垂衣治日月並
文明堯字平聲日字仄聲第六句洞開霞館法虛晨
洞字仄聲霞字平聲第八句九清祚聖鴻基永九字
仄聲譜內可平可仄
據之餘參所採二詞

又一體

雙調一百字前後
段各九句五平韻

宋史樂志

無名氏

春融日暖句四野瑞煙浮韻柳苑更柔柔韻土高脈起

條風扇句宿雪潤田疇韻金根轂轉如雷動句羽衛擁

貔貅韻扶攜老稚康衢滿句延跂望凝旒韻斗移星

轉句一氣又環周韻六府要時修韻務農重穀人胥勸

耕籍禮殊尤韻壇墠嶽峙文明地句黛耜駕青牛韻

雍容南畝三推了句玉趾更遲留

此詞兩段俱用金史
樂志五十字詞體

又一體

雙調一百字前後
段各九句六平韻

宋史樂志

無名氏

我皇繼位句覆幬合穹昊韻祕錄示靈文韻齋居紫殿

膺元貺句降寶命韻氤氲韻奉符讓德事嚴禋韻檢玉陟

天孫韻垂鴻紀號光前古句邁八九為君韻靈臺偃

武句書軌慶同文韻奄六合居尊韻圓穹錫命垂真錄

清曉降金門韻升中報本禪云云韻嚴祀事惟寅韻

無為致治臻清淨句見反樸還醇韻

此詞兩段俱用宋史
樂志五十字詞體

思越人

詞見花間集按孫光憲詞館娃宮外春深又魂消目斷西子張泌詞越波堤下長橋俱咏

西子事故名思越人與鷓鴣天詞別名思越人者不同

思越人

雙調五十一字前段五句兩平韻後段四句四仄韻

孫光憲

古臺平

句

芳草遠

句

館娃宮

外春深

平韻

翠黛空

留

千載

韻

點

恨

句

教人何處

相尋

韻

綺羅無

復當時

事

仄韻

露花點

韻

點

滴香淚

韻

惆悵遙

天橫

淅水

韻

鴛鴦對

對飛

起

韻

韻

韻

此詞後段第二句考孫詞別首及鹿虔扈詞張泌詞俱六字一句張詞黛眉愁聚春碧孫鹿詞即見後注

或分作三字兩句者非祇按此調舊有唐詞可校宋

人無填此者孫詞別首前段第三句長洲廢苑蕭條

長字平聲廢字仄聲鹿詞第四句雙帶繡窠盤錦薦
雙字平聲繡字仄聲孫詞第五句句月明獨上溪橋月
字獨字俱仄聲鹿詞後段起句珊瑚枕膩鴉鬟亂珊
字平聲枕字仄聲孫詞第二句紅蘭綠蕙愁死紅字
平聲鹿詞玉纖慵整雲散慵字平聲張詞第三句滿
地落花無消息滿字落字俱仄聲消字平聲結句句月
明腸斷空憶月字仄聲腸字
平聲譜內可平可仄據此

探春令

此詞宋人俱咏初春風景或咏梅花故名探
春韓滉詞有景龍鐙火昇平世句名景龍鐙

探春令

雙調五十一字前段五句
三仄韻後段四句三仄韻

宋徽宗

簾旌微動

句

峭寒天氣

句

龍池冰泮

韻

杏花笑吐香紅

紅

淺韻

又還是

讀

春將半

韻

清歌妙舞從頭按

韻

等芳

芳

時開宴韻記去年讀對著東風句曾許不負鶯花願韻

此調有兩體或前段四字三句起或前段七字一句
五字一句起此體乃四字三句起者於中又有前結
六字句後結五字七字句或兩結皆五字句或兩結
皆六字句悉以類列按譜時便于參校也此詞可
平可仄悉參
類列八詞

又一體

雙調五十二字前段五句
三仄韻後段四句四仄韻

楊元咎

雪梅風柳句弄金鈎粉句峭寒猶淺韻又還近讀三五

銀蟾滿韻漸玉漏讀聲初短韻尊前重約年時伴韻

揀鐙詞先按韻便直饒讀心似蛾兒撩亂韻也有春風

管韻

此與藏宗詞同惟前段第四句多一字後段結攤破句法多押一韻異趙長卿疎離橫出詞正與此同趙詞前段第四句稍一似初觀東隣女一字仄聲譜內據之其餘可平可仄已詳前詞故不復注

又一體

雙調五十二字前後段各五句三仄韻

趙長卿

數聲回鴈。句。幾番疎雨。句。東風回暖。韻。甚今年。讀。立得

春來晚。韻。過人日。讀。方相見。韻。縷金幡勝。教。先辦。韻

著工夫裁翦。韻。到那時賭當。句。須教滴惜。句。稱得梅妝。

面韻

此與雪梅風柳詞同惟後段第三句攤破句法作兩句不用韻異

又一體

雙調五十二字前段六句兩仄韻後段五句三仄韻

趙長卿

溪橋山路

句

竹籬茆舍

句

淒涼風雨

韻

被摧殘沮挫

句

精神依舊

句

無奈相思苦

韻

東風故與收拾取

韻

教他塵土

韻

向綠窻繡戶

句

朱闌小檻

句

做箇名花主

韻

此亦徽宗詞體惟前段第四句添二字作五字一句四字一句又結句減一字亦作五字句異趙詞別首雕牆風定詞楊元咎東風初到詞正與此同按趙詞別首第四五句料雪霜深處司花神女雪字仄聲

深字平聲楊元谷詞料天台不比人間日月日字仄聲趙詞別首結句暗裏焚百和暗字百字俱仄聲

又一體

雙調五十二字前段五句兩仄韻後段四句三仄韻

趙長卿

而今風韻

句

舊時標致

句

總皆奇絕

韻

再相逢

讀

還是

春前臘後

句

粉面凝香雪

韻

芳心自與羣花別

韻

儘

韻

儘

孤高清潔

韻

那情懷

讀

最是與人好處

句

冷淡黃昏月

韻

月

韻

此與溪橋山路詞同惟前段第四句後段第三句作上三下六句法異趙詞別首雨屏風瘦詞正與此同

又一體

雙調五十二字前段五句三仄韻後段四句三仄韻

趙長卿

清香○平淡○句暗香○瀟灑○句滿林風露○韻漸枝上○讀也學○

楊花○飛絮○韻輕逐○春歸去○韻東君○著意○勤遮○護○韻總○

留他○不住○韻幸西園○讀別有○能言○花貌○句委曲○關心○慄○

韻

此與而今風韻詞同惟前段第四句押韻異趙詞別
首樓頭月滿詞正與此同 按趙詞別首前段第四

句為多情役得神
視撩亂情字平聲

又一體

雙調五十二字前段五句
四仄韻後段五句三仄韻

趙長卿

冰漸池面○韻柳搖金線○韻春光○無限○韻問梅花○底事○讀

收○香○藏○蕊○句到○此○方○舒○展○韻百○花○頭○上○俱○休○管○韻且○
警○開○俗○眼○韻看○綠○陰○結○子○句成○功○調○鼎○句有○甚○遲○和○晚○
韻

此亦與而今風韻詞同惟
前段第一二句俱押韻異

又一體

雙調五十三字前段六句
兩仄韻後段五句三仄韻

趙長卿

冰○簷○垂○箸○句雪○花○飛○絮○句時○方○嚴○肅○韻向○尋○常○搖○曳○句

凡○花○野○草○句怎○生○敢○誇○紅○綠○韻江○梅○孤○潔○無○拘○束○

韻祗○溫○然○如○玉○韻自○一○般○天○賦○句風○流○清○秀○句總○不○同○

麤俗韻

此亦與而今風韻詞同
惟前段結句六字異

又一體

雙調五十二字前段五句
三仄韻後段四句四仄韻

楊元咎

梅英粉淡句
柳梢金軟句
蘭芽依舊韻
見萬家讀
鐙火

明如畫韻
正人月讀
圓時候韻
挨香傍玉偷攜手韻

儘輕衫寒透韻
聽一聲讀
畫角催殘漏韻
惜歸去讀
頻

回首韻

此詞後段第三句八字押韻
結句六字折腰楊詞別
首搦兒身分詞正與此同
按楊詞別首後段第三

欽定四庫全書

御定詞譜

句奈月華銚影交相照銚字平聲
結句俏沒箇商量地沒字仄聲

又一體

雙調五十二字前後
段各四句三仄韻

晏幾道

綠楊枝上曉鶯啼。句
報融和天氣。韻
被數聲鶯吹入紗。

窓裏。又驚起。嬌娥睡。韻
綠雲斜。金釵墜。韻
惹。

芳心如醉。為少年。濕了鮫綃。句
上都是。韻
相思。

淚。韻

此詞前段七字一句五字一句起者有將提韓流詞
可校韓詞前段第三句問而今風轉蛾兒底而字平
聲將詞結句未抵我愁痕膩抵字仄聲韓詞後段第
三句這山城不道人能記山字平聲將詞結句向粉

儒室彈淚粉字仄聲譜內
可平可仄據此餘參下詞

又一體

雙調五十二字前段四句
兩仄韻後段四句三仄韻

鳴鶴餘音

無名氏

草堂三鼓夢遊仙。句
到蓬萊閬苑。韻
正白雲。請滿地無。

人掃。句
信幽圃。讀
香風旋。韻
羣真朝列。黃金殿。韻
醉

流霞瓊宴。韻
頓覺來。讀
一片清涼意。句
似明月。讀
山頭。

見韻

此與晏詞同惟前段
第三句不押韻異

又一體

雙調五十二字前段五句
兩仄韻後段五句三仄韻

趙長卿

去年元夜正錢塘。看天街燈火。鬧蛾兒轉處。熙

熙笑語。句百萬紅妝女。今年肯把輕辜負。句列

煌千炬。句趁閒身未老。句良辰美景。句款醉新歌舞。句

此亦晏詞體惟前後段第三句各添一字作五
字一句四字一句兩結各減一字作五字句異

又一體

雙調五十二字前後
段各五句四仄韻

趙長卿

笙歌間錯華筵啓。喜新春新歲。菜傳纖手。句青絲

輕細。句和氣入。句東風裏。句幡兒勝兒都姑婦戴。

得•更•悅•戲•韻願•新•春•已•後•句吉•吉•利•利•韻百•事•都•如•意•

韻

此亦晏詞體惟前段第三句作四字兩句後段第三句作五字一句四字一句兩結又前六字句後五字句異趙詞喜用方言此更句讀參差不足為法採之聊以備體

越江吟

按宋釋文瑩續湘山野錄云太宗酷愛琴曲十小詞命近臣十人各探一調撰一詞蘇翰

林易簡探得越江吟遂賦此調後賀鑄詞因蘇詞起句有瑤池宴字更名宴瑤池蘇軾詞名瑤

池宴樂府雅詞名瑤池宴令

越江吟

雙調五十一字前後段各六句六仄韻

蘇易簡

非煙非霧瑤池宴韻片片韻碧桃冷落誰見韻黃金殿

韻蝦鬚半卷韻天香散韻春雲和讀孤竹清婉韻入

霄漢韻紅顏醉態爛漫韻金輿轉韻霓旌影亂韻簫聲

遠韻

按湘山野錄載易簡詞云神仙神仙瑤池宴片片碧
桃零落春風晚翠雲間處隱隱金輿挽玉麟背冷清
風遠與此不同今從花草粹編訂定賀鑄詞後段
第一句命閨人金徽重按徽字平聲第二句商歌怨
商字平聲第三句依稀稀廣陵清散陵字
平聲譜內可平可仄據之餘叅下詞

又一體

雙調五十一字前段七句
七仄韻後段六句六仄韻

蘇軾

飛○花○成○陣○韻春○心○困○韻寸○寸○韻別○腸○多○少○愁○悶○韻無○人○

問○韻偷○啼○自○搵○韻殘○妝○粉○韻抱○瑤○琴○讀尋○出○新○韻韻○

玉○纖○趁○韻南○風○未○解○幽○愠○韻低○雲○鬢○韻睂○峰○斂○暈○韻嬌○

和○恨○韻

此與蘇易簡詞同惟前段起句攤破七字一句作四字一句三字一句又多押一韻按賀鑄詞瓊鈞褰幔

秋風觀正
與此同

燕○歸○梁○調見珠玉詞因詞有雙燕歸飛遶畫堂似留戀虹梁句取以為名柳永纖錦裁篇詞注正

平調輕隔羅幃
詞注中呂調

燕歸梁

雙調五十一字前段四句
四平韻後段五句三平韻

晏殊

雙燕歸飛遠。畫堂似留戀。虹梁清風明月好。時光

韻更何況。綺筵張。雲衫侍女。頻傾桂醕。加

意動笙簧。人人。心在玉鑪香。逢佳會。祝延長。韻

此調始於此詞。換頭四字兩句者。有張先石延年謝
逸周邦彥諸作。其餘或攤破。句法或減字。或添字。變

格頗多。其源皆出於此也。此詞前段第二句作上一
下四句法。張先詞云。河漢淨無雲。周邦彥詞云。短燭

散飛蟲。與此小異。晏詞別首前段第二句呈妙舞
開筵呈字平聲。妙字仄聲。張先詞換頭二句水晶宮

殿琉璃臺。閣水字仄聲。宮字臺字俱平聲。謝逸詞第
三句錦字香無期。錦字仄聲。譜內可平可仄。據此餘

衆所採

諸詞

又一體

雙調五十一字前段四句
四平韻後段四句三平韻

史達祖

獨卧秋窓桂末香韻
怕雨點飄涼韻
玉人只在楚雲傍

韻也著淚讀過昏黃韻
西風今夜梧桐冷句
斷無夢

讀到駕鵞韻
秋釭二十五聲長韻
請各自讀耐思量韻

此詞前段與晏詞同惟換頭攤破晏詞四字二句作
七字一句第二句校晏詞添一字有呂渭老吳文英
詞可校吳詞換頭句夢飛不到梨花外夢字不字俱
仄聲呂詞第二句無箇事淚盈盈無字平聲箇字仄
聲

又一體

雙調五十字前段四句四
平韻後段四句三平韻

柳永

織錦裁篇寫意深

韻字值千金

韻一回披翫一愁吟

韻腸成結

韻淚盈襟

韻幽歡已散前期遠

韻是而今密憑歸燕寄芳音

韻恐冷落

此與史詞同惟前段第二句減一字杜安世風擺
紅綰詞正與此同其第二句寶鑑補拈平仄如一

又一體

雙調五十二字前段四句
四平韻後段四句三平韻

柳永

輕蹕羅襪掩綺寮

韻傳音耗

韻若相招

韻成嬌

韻乍得見

韻兩魂消

韻忽忽草草難留戀

歸去讀又無聊韻若諧雨夕與雲朝韻得似箇讀有囂

囂韻

此亦與史詞同惟前段第二句添一字作六字折腰
吳蔣捷我夢唐宮詞正與之合其第二句正舞到曳

裙時正字舞

字俱仄聲

雨中花令

王觀詞名送將歸按雨中花調與夜行船
調最易相混宋人集中每多誤刻今照花

草辨編所編以兩結句五字者為雨

中花兩結句六字七字者為夜行船

雨中花令

雙調五十一字前後
段各四句三仄韻

晏殊

翦翠妝紅欲就

韻

折得清香滿袖

韻

一對鴛鴦眠未足

句
葉下長相守韻

莫傍細條尋嫩藕韻
怕綠刺讀胃

衣傷手韻
可惜許讀
月明風露好句
恰在人歸後韻

此調始於此詞宋人照此填者或於前段起句添一字或於前段第二句添一字或於後段第二句減一字或於前後段第三句添一字攤破句法一句作兩句其源皆出於此惟周紫芝詞則又裁截慢詞與此不同故譜內但以兩段起結句法同者參校平仄按此體前後段第三句例各七字此詞後段多一許字乃襯字也與下歐詞且字同

又一體

雙調五十一字前段四句
三仄韻後段五句三仄韻

毛滂

寒浸東傾不定韻

更柰櫓聲催緊韻
堤樹隴明孤月上

句 黯○淡○移○船○影○ 韻

舊○事○十○年○愁○未○醒○ 韻 漸○老○可○奈○離○

恨○ 韻 今○夜○有○誰○知○ 句 風○中○露○裏○ 句 目○斷○雲○空○盡○ 韻

此亦晏詞體惟後段第二句減一字第三句又添一字作五字一句四字一句異若減去有字中字即是

七字句亦
觀字也

又一體

雙調五十二字前後
段各五句三仄韻

歐陽修

千○古○都○門○行○路○ 韻 能○使○離○歌○聲○苦○ 韻 送○盡○行○人○ 句 花○殘○

春○晚○ 句 又○別○東○君○去○ 韻 醉○藉○落○花○吹○暖○絮○ 韻 多○少○曲○

堤○芳○樹○ 韻 且○攜○手○留○連○ 句 良○辰○美○景○ 句 留○作○相○思○處○ 韻

此亦晏詞體但攤破晏詞前後段第三句作四字兩句異按此詞後段第三句且字亦襯字

又一體

雙調五十二字前後段各五句三仄韻

毛滂

池上水寒欲霧

韻

竹暗小窓低戶

韻

數點秋聲來侵

短夢

句

簷下芭蕉雨

韻

白酒浮蛆雞啄黍問陶令

讀幾時歸去

韻

溪月嶺雲

句

蘋汀蓼岸

句

總是相思處

韻

此與歐詞同惟後段第三句減去襯字耳句讀最為整齊然宋人照此填者亦少

又一體

雙調五十二字前後段各五句三仄韻

趙長卿

淚。眼。江。頭。看。錦。樹。韻別。離。又。還。秋。暮。韻細。水。浮。浮。句輕。

風。冉。冉。句穩。送。扁。舟。去。韻歸。去。江。山。應。得。助。韻新。詩。

定。須。多。賦。韻有。鴈。南。來。句枕。溪。千。萬。句寄。我。驚。人。句韻。

此與歐詞同惟前段
起句作七字句異

又一體 雙調五十四字前後
段各五句三仄韻

程 垓

舊。日。愛。花。心。未。了。韻緊。峭。得。讀。花。時。一。笑。韻幾。日。春。寒。

句連。宵。雨。悶。句不。道。幽。歡。少。韻記。得。去。年。深。院。悄。韻

畫。梁。畔。讀。一。枝。香。嬾。韻說。與。西。樓。句後。來。明。月。句莫。把。

黎花照韻

卷九

此詞前後段第一二句俱七字有程詞別首間說海
崇詞卷地芳春詞劉一止十頃疎梅詞趙長卿短棹
輕舟詞可校劉詞前段第二句折長條嫩香滿袖條
字平聲第三句今慶元宵今字平聲結句花共人俱
瘦花字平聲趙詞後段第二句歡光陰自來堪笑陰
字平聲譜內可平可仄據此餘叅所採賀詞楊詞王
詞趙詞後段結句正是楚天曉楚字仄聲
但宋詞此字從無用仄之例偶誤不可從

又一體

雙調五十五字前後段各五句三仄韻

賀鑄

清滑京江人物秀富美髮讀豐肌素手寶子餘妍

句阿嬌餘韻獨步秋娘後奈倦客情懷先怯

酒韻問何意讀歌韻顰易皺韻弱柳飛絲句繁花結子句

做弄場春瘦韻

此與程詞同惟換頭句
添一字作八字句異

又一體

雙調五十四字前後
段各五句三仄韻

楊无咎

早已是讀花魁柳冠韻更絕唱讀不容同伴韻畫鼓低

敲句紅牙隨應句著箇人句喚韻慢引鶯喉千樣轉

韻聽過處讀幾多嬌怨韻換羽移宮句偷聲減字句不

顧人腸斷韻

此與程詞同惟前段起句作上三下四句法異按逃
禪集三首皆然故採以備體 楊詞別首前段起句
堪惆悵紅塵千里堪字惆字千字俱平
聲譜內參之其餘可平可仄詳見程詞

又一體

雙調五十三字前後
段各五句三仄韻

趙長卿

龜甲鑪煙輕裊韻 簾櫳靜讀 乳鶯啼曉韻 拂掠新妝句

時宜頭面句 繡草冠兒韻 衫子揉藍初著韻 了韻 身

材稱就中恰好韻 手撚雙紈句 菱花重照句 帶朶宜

男草韻

此與毛詞同惟前段第二
句添一字作七字句異

又一體

雙調五十六字前後
段各五句三仄韻

王觀

百尺清泉聲陸續

韻

映瀟灑

韻

碧梧翠竹

韻

面千步迴

廊○句○重○重○簾○幕○

句

小枕敲寒玉

韻

試展鮫綃看畫軸

韻見一片瀟湘凝綠

韻

待玉漏穿花

句

銀河垂地

句

月上闌干曲

韻

此亦與程詞同惟前後段第三句添一字作五字句
異按樂府雅詞選此詞前後段起二句作白石清泉
聲陸續瀟灑碧梧翠竹間拂霜綃閑畫軸一
片瀟湘凝綠各減一字今從花草粹編刊本

又一體

雙調六十一字前後
段各四句四仄韻

張先

近鬢綵鈿雲鴈細

鴈韻

大雲鴈小雲鴈

好容貌讀

花枝爭媚

花韻

十學雙燕讀

同栖還並翅

燕韻

我合著讀

你難分離

合韻

這佛面

讀

前生應布施

浮韻

你更看

讀蛾眉

下秋水

眉韻

似賽九底

讀

見他三五二

胡韻

正悶裏讀

也須歡喜

悶韻

此詞異於各家者以前後段第三句押韻又攤破四
字兩句作八字一句耳按前段結句我字你字後段
起句這字第二句下字第三句底字結句正字也字
此皆襯字若都減去亦是此調正格前後未嘗不整
齊也 每句下皆
自注骰子格名

又一體

雙調七十字前後段各七句三平韻

周紫芝

山雨細。讀泉生幽谷。水滿平田。雪繭紅蠶熟。後

黃雲隴。麥秋間。武陵煙暖。數聲雞犬。別是山川

韻。嗟老去。讀倦遊蹤跡。長恨華顛。行盡吳頭楚

尾。空慚萬壑千巖。不如休也。一卷歸去。依舊

雲山。韻

此詞裁截雨中花慢平韻詞其前後段第三句以下悉皆慢詞中句讀也因竹坡詞有此調名雨中花令并為編入平仄無別首可校

鳳來朝

調見周邦
彥清真詞

鳳來朝

雙調五十一字前後
段各四句四仄韻

周邦彥

逗曉看嬌面

韻

小牕深

讀

弄明未辨

韻

愛殘朱宿粉

讀

雲鬟亂

韻

最好是

讀

帳中見

韻

說夢雙蛾微斂

韻

錦

衾溫

讀

酒香未斷

韻

待起又

讀

如何拌

韻

任日炙

讀

畫

樓暖

韻

此詞後段第三句片玉集作待起難捨拌清真集作
待起又如何拌按史達祖詞扇底弄團圓影陳允平
和詞買一笑千金拌俱六字折腰應以六字者為定
本又前後段第二句史達祖詞掩金閨綵絲未整蘭

銀瓶脫絕挂井未字挂字俱去聲井字聲字俱上聲
與此詞兩未字去聲辨字斷字俱上聲同陳允平詞
鳳簫吹六幺舞徧繡芙蓉看塵未斷因舞字上聲徧
字即用去聲可悟詞中兩仄字連用之法史詞陳
詞與此平仄如一惟史詞前段結句恨誰踏蘚花徑
誰字平聲陳詞換頭句曲歇弓彎袖綴袖字仄聲譜
之內參

秋夜雨

調見蔣捷竹山
樂府題咏秋雨

秋夜雨

雙調五十一字前後
段各四句三仄韻

蔣捷

黃雲水驛秋笳咽吹人雙鬢如雪愁多無柰處

漫碎把寒花輕捻紅雲轉入香心裏夜漸深

讀人語初歇韻此際愁更別韻鴈落影讀西窓殘月韻

蔣詞四首平仄如一惟前段第二句或云春情不解分雪不字仄聲第三句云寶箏絃斷盡寶字仄聲後段第三句云今夜休要別今字平聲譜內可平可仄據之

伊州令唐教坊曲名一名伊川令碧難漫志云伊州有七商曲

伊州令雙調五十一字前後段各四句三仄韻

花草粹編無名氏

西風昨夜穿簾幕韻閨院添蕭索韻纔是梧桐零落時

句又迤邐讀秋光過却韻人情音信難托韻魚鴈成

耽閣韻教奴獨自守空房句淚珠與讀鎧花共落韻

此詞坊本俱有脫誤今從詞緯抄本

木笪

唐教坊記有木笪大曲宋修內司所刊樂府渾成集亦有木笪曲名周密齊東野語以為此音

世人罕知今太平樂府有白樸喬木笪詞一套疑其遺製因太和正音譜採其首作亦錄以備一體或名喬木查者誤

木笪

雙調五十一字前後段各五句四仄韻

白樸

海棠初雨歇韻楊柳輕煙惹韻碧草茸茸鋪四野韻俄

然回首處句亂紅堆雪韻恰春光也韻梅子黃時節

韻
映石榴華紅似血韻
胡葵開滿院句
碎翦宮纈韻

此元人套數樂府以其
猶近宋詞體製採之

迎春樂

宋柳永詞注林鍾商
元王行詞注夾鍾商

迎春樂

雙調五十二字前段四句
四仄韻後段四句三仄韻

柳永

近來憔悴人驚怪韻
為別後相思韻
我前生讀負

汝愁煩債韻
便苦恁讀
難開解韻
良夜永讀
牽情無

柰韻
錦被裏讀
餘香猶在韻
怎得依前句
鐙下句
恁意憐

嬌態韻

後段第三句六字結句五字此體始於晏詞因晏詞
換頭八字宋人無照此填者故取此詞作譜其可

平可仄即參下
晏秦楊三詞

又一體

雙調五十三字前段四句
四仄韻後段四句三仄韻

晏殊

長○安○紫○陌○春○歸○早○
韻○
韞○垂○楊○
韻○
染○芳○草○
韻○
被○啼○鶯○
韻○
語○

燕○催○清○曉○
韻○
正○好○夢○
韻○
頻○驚○覺○
韻○
當○此○際○
韻○
青○樓○臨○

大○道○
韻○
幽○會○處○
韻○
兩○情○多○少○
韻○
莫○惜○明○珠○百○琲○
韻○
占○取○

長○年○少○
韻○

此與柳詞同惟換頭句
多一字作八字句異

又一體

雙調五十一字前段四句
四仄韻後段四句三仄韻

秦觀

菖蒲葉葉知多少韻惟有箇蜂兒韻妙雨晴紅粉齊

開了韻露一點韻嬌黃小韻早是被曉風力暴韻

更春共韻斜陽俱老韻怎得花香深處韻作箇蜂兒抱

韻

此與柳詞同惟前段第三
句減一字作七字句異

又一體

雙調五十一字前段四句
四仄韻後段四句三仄韻

楊无咎

新來特特更門地韻都收拾韻山和水韻看明年韻事

事如意

韻

迎福祿

韻

俱來至

韻

莫管明朝添

韻

一歲

韻

儘同向

讀

尊前沉醉

韻

且共唱

讀

迎春樂

句

祝母千秋

韻

歲

韻

此亦秦詞體惟前段第三句作上三下四句法後段第三句六字折腰換頭句又不作上三下四句法異

又一體

雙詞五十一字前段四句四仄韻後段四句三仄韻

賀鑄

雲鮮日嫩東風軟

韻

雪初融

讀

水清淺

韻

低鬟舞按迎

韻

春徧

韻

似飛動

讀

釵頭燕

韻

漫折梅花曾寄遠

韻

問

韻

誰為

讀

倚樓悵怨

韻

身伴未歸鴻

句

猶顧戀

讀

江南暖

韻

韻

此詞後段第三句五字結句六字與晏柳秦詞體又
微異東山集四首皆同周邦彥詞又本此添字也
賀詞別首前段起句六字應臘妝吳苑六字仄聲第
三句玉環風調依然然在玉字仄聲風字平聲結句都
付與絃聲寫都字平聲付字仄聲後段起句三月十
三寒食夜三字平聲十字仄聲第二句歸路指玉溪
南館歸字平聲路字仄聲第三句細語人不聞細字
不字俱仄聲人字平聲結句久背面秋千下久字仄
聲又微風動雙羅帶風字平聲譜內可平可仄據此
至前段第二句一首指尖纖帶間暇一首小櫻脣淺
蛾黛一首小山堂晚張宴平仄如
一當是音律所寓不可參校別詞

又一體

雙調五十一字前後
段各四句三仄韻

高麗史樂志 無名氏

神○州○麗○景○春○先○到○韻看○看○是○讀韶○光○早○韻園○林○深○處○東○

風○過○句紅○杏○裏○讀鶯○聲○好○韻漠○漠○青○煙○遠○遠○道○韻觸○

目○是○讀綠○楊○芳○草○韻莫○惜○醉○重○遊○句逡○巡○又○讀年○華○老○

韻

此與賀詞同惟前段第三句不押韻異按宋以大晟樂賜高麗其樂章皆北宋人作故高麗史樂志有

宋詞一卷
間亦採之

又一體
雙調五十二字前段四句
四仄韻後段五句三仄韻

周邦彥

清池小園開雲屋韻結春伴讀往來熟韻憶年時讀縱

酒杯行速韻看月上讀歸禽宿韻牆裏修篁森似束

韻記名字讀曾刊新綠韻見說別來長句冷翠鮮句封

寒玉韻

此與賀詞同惟前段第三句添一字作八字句仍照柳永晏殊體填王元行詞注夾鍾商者即此體也宋人有方千里楊澤民陳允平和詞可校陳詞前段第二句都未識行人手都字平聲未字仄聲行字平聲結句花底帽任教側花字平聲任字仄聲換頭句斗酒百篇呼太白斗字百字俱仄聲第二句做人世醉中一息醉字一字俱仄聲又香不散綠雲春透香字平聲不字仄聲第三句何日賦歸來何字平聲結

句羞人問連環玉羞字人字俱平聲又方詞前段第三句看夕陽倒影花陰速夕字仄聲譜內可平可仄此據

夢仙郎

調見張先詞集

夢仙郎

雙調五十二字前後段各五句三仄韻兩平韻

張先

江東蘇小

韻仄

天斜窈窕

韻

都不勝

讀

綵鷺嬌妙

韻

春豔

上新妝

韻平

肌肉過人香

韻

佳樹陰陰池院

韻換仄

華燈

繡幔

韻

花月好

讀

豈能長見

韻

離聚此生緣

韻換平

何計

問高天

韻

此詞兩仄兩平四換韻宋人止此一體無別首可校

青門引

調見樂府雅詞及天機餘錦詞張先本集不載

青門引

雙調五十二字前段五句三仄韻後段四句三仄韻

張先

乍暖還輕冷。風雨晚來方定。庭軒寂寞近清明。句

殘花中酒。又是去年病。樓頭畫角風吹醒。入

夜重門靜。那堪更被明月。隔牆送過秋千影。韻

按全芳備祖樂府馬古洲詞前結十分風味獨向暑天足十字仄聲風字平聲後結刀圭倘是神仙樂地皮卷盡猶飛肉校此詞多一字因詞律不錄

菊花新

樂章集注中品調齊東野語云
花新譜教坊都管王公謹作也

菊花新

雙調五十二字前後
段各四句三仄韻

張先

墮髻慵妝來日暮韻家在柳橋堤下住韻衣緩絳綃垂

句瓊樹裊讀一枝紅霧韻院深池靜花相妬韻粉牆

低讀樂聲時度韻長恐舞筵空句輕化作讀綵雲飛去

韻

此調以此詞為正體有柳永詞可校若杜安世詞之
多押一韻或少押一韻皆變格也柳詞前段結句
先去睡鴛衾圓暖鴛字平聲後段起句須更放了殘
鍼線放字仄聲杜詞別首後段起句兒夫心腸多薄

倖賜字平聲第二句百計思難為拘檢難字平聲第三句幾回向伊言回字平聲柳詞結句待時時看伊嬌面待字仄聲時時二字俱平聲譜內可平可仄據之餘叅下詞

又一體

雙調五十二字前段四句四仄韻後段四句三仄韻

杜安世

怎奈花殘鶯又老韻檻裏青梅數枝小韻新荷長池沼

當晴晝韻燕子聲闌韻亭闌花綻顏色好韻風雨

催韻等閒開了韻酒醒暗思量韻無箇事韻著甚煩惱

韻

此與張詞同惟前段第三句押韻異按壽域詞杜作二首平仄微拗別首換頭句不押韻與此又小異

醉紅妝

調見張先詞集因詞中有一般妝樣百般嬌及卽未醉有金貂句取以為名

醉紅妝

雙調五十二字前段六句四平韻後段六句三平韻

張先

瓊林玉樹不相饒

韻

薄雲衣

句

細柳腰

韻

一般妝樣百

般嬌

韻

睂兒秀

句

總如描

韻

東風搖草雜花飄

韻

恨

無計

句

上青條

韻

更起雙歌

韻

卽且飲

句

卽未醉

句

有金

貂

韻

此調近雙鴈兒惟後段第四句不押韻異宋詞中亦無別首可校

思遠人

調見小山樂府因詞有千里念行客句取其意以為名

思遠人

雙調五十二字前段五句
兩仄韻後段五句三仄韻

晏幾道

紅葉黃花秋意晚

句

千里念行客

韻

念飛雲過盡

句

歸

鴻無信

句

何處寄書得

韻

淚彈不盡臨窓滴

韻

就枕

旋斫墨

韻

漸寫到別來

句

此情深處

句

紅箋為無色

韻

此詞亦無別首宋詞可校詞律云前後段
第二句第五句念寄旋為四字皆用去聲

醉花陰

中原音韻注黃鍾宮
太平樂府注中呂宮

醉花陰

雙調五十二字前後
段各五句三仄韻

毛滂

滂

檀板一聲鶯起速

韻

山影穿疎木

韻

人在翠陰中

句

欲

覓殘春

句

春在屏風曲

韻

勸君對客杯須覆

韻

鐙照

瀛洲綠

韻

西去玉堂深

句

魄冷魂清

句

獨引金蓮燭

韻

此調祇有此體諸家所填多與之合但平仄不同句
法間有小異耳如前段起句楊元咎詞淋漓盡日黃
梅雨舒亶詞粉輕一捻和香聚辛棄疾詞黃花漫說
年年好張元幹詞紅萸紫菊閒還早沈會宗詞微含
清霧真珠滴平仄俱與此詞異又前後段第二句舒
亶詞正千山雲盡更玉釵斜視與別首之教露華休
如指廣寒歸去沈會宗詞之怯晚寒脈脈有動人標
格俱作上一下四句法亦與此詞異按此詞換頭
句客字疑韻如楊元咎詞之撲人飛絮渾無數李清
照詞之東籬把酒黃昏後絮字酒字俱韻此即樂府
指迷所謂藏短韻于句內者然宋詞如此者亦少
舒亶詞前段第三句冷對酒尊傍冷字仄聲第四句

無語含情無字平聲結句別是江南信別字仄聲後
段第三句去後又明年去字仄聲第四句人在江南
人字平聲結句羞上滿卽鬢羞字平聲譜內據之若
前後段第一二句可平可仄詳見辨體故不復注

望江東

調見山谷集因詞有望不見江東路句取以爲名

望江東

雙調五十二字前後段各四句四仄韻

黃庭堅

江○水○西○頭○隔○煙○樹○望○不○見○江○東○路○思○量○只○有○夢○

來○去○更○不○怕○江○關○住○鐙○前○寫○了○書○無○數○算○

沒○箇○人○傳○與○直○教○尋○得○鴈○分○付○又○還○是○秋○將○

暮

韻

此詞祇此一詞
無別首可校

入塞

古樂府橫吹曲有
入塞辭調名本此

入塞

雙調五十二字前段六句四平韻
一疊韻後段五句四平韻一疊韻

程垓

好思量

韻

正秋風

讀

半夜長

韻

奈銀釭一點

句

耿耿背

西窓

韻

衾又涼

韻

枕又涼

疊

露華淒淒

月半牀

韻

照

得人

讀

真箇斷腸

韻

窓前誰浸木犀黃

韻

花也香

韻

夢

也香

疊

書舟集只此一詞宋詞亦無別首可校
前後兩結句俱押疊韻當是體例填者遵之

品令

王行詞注
夸則商

品令

雙調五十二字前段四句
三仄韻後段四句兩仄韻

曹組

乍寂寞

韻

簾櫳靜

讀

夜久寒生羅幙

韻

窓兒外

讀

有箇

梧桐樹

句

早一葉

讀

兩葉落

韻

獨倚屏山欲寐

句

月

轉驚飛鳥鵲

韻

促織兒

讀

聲響雖不大

句

敢教賢

讀

睡

不著

韻

宋人填品令者類作俳語其句讀亦不一即前段起
句或三字或四字或五字不同今擇其尤雅者各以

類列 此詞前段起句三字有秦觀掉又睨詞頗博
文夜蕭索詞辛棄疾更休說詞可校惟秦詞別首幸
自得詞石孝友困無力詞前段第二三句作四字兩
句而秦詞前後段第三句又各押韻因詞理不錄
顏詞前段起句夜蕭索蕭字平聲第二句側耳聽青
海樓頭吹角側耳二字俱仄聲青字平聲秦詞天然
箇品格於中壓一壓字仄聲辛詞第三句甚今年容
貌八十歲甚字仄聲年字容字俱平聲八十二字俱
仄聲秦詞結句語低低笑咭咭低低二字俱平聲辛
詞見底道纔十八纔字平聲秦詞後段起句每每秦
樓相見相字平聲顏詞偷想紅啼深怨偷字平聲辛
詞莫獻壽星香燭壽字仄聲秦詞第二句見了無限
憐惜限字仄聲顏詞第三句紗窓外厭厭新月上紗
窓二字俱平聲外字仄聲辛詞只消得把筆輕輕去
把字仄聲輕字平聲秦詞結句把不定臉兒亦不定
二字俱仄聲兒字平聲顏詞應也則睡不著應字平

聲辛詞十字上添一筆添字
平聲譜內可平可仄據此

又一體

雙調五十一字前段五句
三仄韻後段四句兩仄韻

趙長卿

情難托

韻

離愁重

句

悄愁沒處安著

韻

那堪更一葉知

秋○天○色○兒○

讀

漸冷落

韻

馬○上○征○衫○頻○搵○淚○
句○一○半○

斑○斑○污○却○

韻

別○來○為○憶○叮○嚀○語○

句

空○羸○得○讀○瘦○如○削○
韻

此即曹詞體惟換頭句七字多一字前後段第三句
七字各少一字異按汲古閣刻惜香樂府此詞作

思越人注向刻品令非不知思越人
從無仄韻之體應照舊刻編入品令

又一體

雙調五十五字前段五句
四仄韻後段五句五仄韻

周邦彥

夜闌人靜

韻

月痕寄

讀

梅梢疎影

韻

簾外曲角闌干近

韻

舊攜手處

句

花霧寒成陣

韻

應是不禁愁與恨

韻

縱相逢難問

韻

黛眉曾把春山印

韻

後期無定

韻

腸斷

香銷盡

韻

此詞前段起句四字有方千里楊澤民和詞可校
楊詞後段第三句便如喝采爭堂印喝字仄聲結句
有伴君須盡有字仄聲又楊无咎和詞前段第四句
笛聲誰噴誰字平聲譜內可平可仄據之餘叅陳王
二詞

又一體

雙調五十五字前後
段各五句四仄韻

陳允平

玉壺塵靜

韻

蟾光透

讀

一簾疎影

韻

偏愛水月樓臺近

韻畫簾獨倚

句

風度寒香陣

韻

猶記曲江煙水恨

韻

歎淒涼誰問

韻

夜深沙觜霜痕印

韻

嚼花拌醉枝上

春無盡

韻

此和周詞也惟後段
第四句不押韻異

又一體

雙調五十五字前後
段各五句五仄韻

王行

飛瓊環佩

韻

立縹緲

讀

香雲影裏

韻

冰絲縈蹙霞綃帔

韻瑤階玉砌

韻

雪月看初霽

韻

不待天妍相嫵媚

韻

任天○然○丰○致○韻 綽○約○仙○姿○真○絕○世○韻 衆○芳○無○地○韻 先○得○

東○風○意○韻

此即周詞體惟前後
段第四句俱押韻異

又一體

雙調六十四字前後
段各七句四仄韻

梅苑

無名氏

山○重○雲○起○韻 斷○橋○外○讀 池○塘○水○韻 晚○來○風○定○句 竹○枝○相○

亞○句 殘○陽○影○裏○韻 多○少○風○流○句 都○在○冷○香○疎○蕊○韻 江○

南○千○里○韻 問○折○得○讀 誰○能○寄○韻 幾○番○歸○去○句 酒○醒○月○滿○

句 闌○干○十○二○韻 且○隱○深○溪○句 免○笑○等○閒○桃○李○韻

此詞前後段起句俱四字押韻第二句俱六字有梅
苑詞三首周紫芝呂渭老趙長御諸詞可校梅苑
詞別首前段第三四五句瓊枝玉樹渾如傅粉壽陽
妝面瓊字渾字俱平聲傳字仄聲後段第六七句且
與從容來歲和羹未晚和字平聲未字仄
聲譜內可平可仄據之餘叅周曾卓三詞

又一體

雙調六十四字前後
段各七句四仄韻

周紫芝

霜蓬零亂

韻

笑綠鬢

讀

光陰晚

韻

紫茱時節

句

小樓長

醉

句一川平遠

韻

休說龍山佳會

句

此情不淺

韻

黃

花香滿

韻

記白苧

讀

吳歌軟

韻

如今却向

句

亂山叢裏

句一枝重看

韻

對著西風搔首

句

為誰腸斷

韻

此與梅苑詞同惟前後段第六七句攤破句法作六字一句四字一句異

又一體

雙調六十三字前後段各七句四仄韻

曾紆

紋漪漲淥

韻

疎靄連孤鶯

韻

一年春事

句

柳飛輕絮

句

筍添新竹

韻

寂寞幽花

句

獨殿小園嫩綠

韻

登臨未

足○悵○遊○子○

讀

歸期促

韻

他年清夢

句

千里猶到

句

陰溪曲

韻

應有凌波

句

時為故人凝目

韻

此與梅苑詞同惟前段第二句五字異

又一體

雙調六十字前後段各六句三仄韻

卓田

立秋十日句早露出讀新涼面韻斜風急雨句戰退炎

光一半韻月上紗窓句疑是廣寒宮殿韻無端宋玉

句恁撩亂讀生悲怨韻一年好處句都被秋光占斷韻

你且思量句今夜怎生消遣韻

此亦梅苑詞體惟前後段第三四五句
各減二字作四字一句六字一句異

又一體雙調六十五字前後
段各六句四仄韻

李清照

急雨驚秋曉韻今歲較讀秋風早韻一觴一詠句更須

莫負讀晚風殘照韻可惜蓮花已謝句蓮房尚小韻

汀蘋岬草韻怎稱得讀人情好韻有些言語句也待醉

折讀荷花向道韻道與荷花句人比去年總老韻

此詞前段起句五字有類列黃詞二首可校平仄供
參之前段第五句六字第六句四字與前周紫芝
霜蓬零亂詞及後黃庭堅敗葉霜天曉詞同

又一體

雙調六十六字前後
段各七句四仄韻

黃庭堅

鳳舞團團餅韻恨分破讀教孤另韻金渠體淨句隻輪

慢碾句玉塵光瑩韻湯響松風句早減了二分酒病韻

味濃香永韻醉鄉路讀成佳境韻恰如銓下句故人

萬里句歸來對影韻口不能言句心下快活自省韻

此即急雨驚秋詞體惟前段第六七句仍照梅苑詞於結句多一字作七字句異此亦觀字採以備體

又一體

雙調六十五字前後段各六句四仄韻

黃庭堅

敗葉霜天曉韻漸鼓吹讀催行棹韻裁成桃李未開句

便解銀章歸早韻去取麒麟圖畫句要及年少韻勸

君醉倒韻別語怎讀醒時道韻楚山千里暮雲句鎮鎮

離人懷抱韻記取江州司馬句座中最老韻

此亦急雨驚秋詞體惟攤破前段第三四句作六字兩句後段第三四五六句作六字三句四字一句異

以上詞十三首各以類列起句三字者以曹詞為正體趙詞及注中秦詞石詞皆變格也起句四字第二句七字者以周詞為正體若陳詞王詞皆變格也起句四字第二句六字者以梅苑詞為正體若周詞魯詞卓詞皆變格也起句五字者以李詞為正體若黃詞二首皆變格也此調體雖不一亦稍盡其正變源流矣

御定詞譜卷九

欽定四庫全書

御定詞譜卷十目錄

起五十二字
至五十四字

引駕行四體

又名長春

玉團兒一體

傾杯令一體

鋸解令一體

雙鴈兒一體

又名雙燕子

尋芳草一體

又名王孫信

恨來遲二體 又名恨數遲

珍珠令一體

壽延長破字令一體

獻天壽令一體

折花令一體

紅窓聽一體 又名紅窓睡

上林春令一體

紅窓迴二體

紅羅襖一體

折桂令四體

又名秋風第一枝

天香引

蟾宮

荔子丹一體

臨江仙十一體

又名謝新恩
庭院深深

鴈後歸

畫屏春

浪淘沙令六體

又名曲入冥
鍊丹砂

賣花聲

過龍門

金錯刀三體

又名醉瑤瑟

君來路

端正好二體

又名於中好

杏花天三體

又名杏花風

天下樂一體

戀繡衾五體

又名淚珠彈

擷芳詞五體

又名折紅英
釵頭鳳

清商怨

惜分釵

鬢邊華一體

玉樓人一體

江月晃重山一體

南鄉一翦梅一體

鸚鵡曲一體

又名黑漆弩

學士吟

欽定四庫全書

御定詞譜卷十

起五十二字
至五十四字

引駕行

此調有五十二字者有一百字者有一百二十五字者五十二字詞即一百字詞前段一

百二十五字詞亦就一百字詞多五句也晁補之一百字詞名長春柳永一百字詞注中呂調

一百二十五字

詞注仙呂調

引駕行

雙調五十二字前段四句
兩仄韻後段六句四仄韻

晁補之

梅梢瓊綻

句

東風次第開

桃李

韻

痛年年

讀

好風景

句

無事對花垂淚

韻

園裏

韻

舊賞處幽葩

句

柔條一一

動○芳○意○韻恨○心○事○讀春○來○間○阻○句憶○年○時○讀把○羅○袂○韻

雅○戲○韻

此即柳永仄韻詞前段
體句讀照柳詞點定

又一體

雙調一百字前段十句六仄韻後段十句五仄韻

柳永

虹○收○殘○雨○句蟬○嘶○敗○柳○長○堤○暮○韻昔○都○門○讀動○銷○黯○句

西○風○片○帆○輕○舉○韻愁○覩○韻泛○畫○鷁○翩○翩○句靈○鼉○隱○隱○下○

前○浦○韻恐○回○首○讀佳○人○漸○遠○句想○高○城○讀隔○煙○樹○韻幾○

許○韻秦○樓○畫○永○句謝○閣○連○宵○奇○遇○韻算○贈○笑○千○金○句

酬歌百琲句盡成輕負韻南顧韻念吳邦越國句風煙

蕭索在何處韻獨自箇讀千山萬水句指天涯去韻

此詞前段即晁梅梢瓊綻詞體後段結句作上一下一中二字相連句法晁詞亦然填者依之譜內可平

可仄晁參前
後二晁詞

又一體

雙調一百字前段十句六仄韻後段十句五仄韻

晁補之

春雲輕鎖句春風乍扇園林曉韻掃華堂讀正桃李芳

時句誕辰還到韻年少韻記絳蠟光搖句金猊香郁寶

妝了韻驟駿馬讀天街向晚句喜同車讀詠窈窕韻多

少韻

盧家壺範

句

杜曲家聲榮耀

韻

慶德耀齊

句

馮唐白首

句

鎮同歡笑

韻

縹緲

韻

待琅函深討

句

芝田

高隱去階老

韻

自別有

讀

壺中永日

句

比人間好

韻

此與柳詞同惟前段第三四句攤破句法於第三句多二字作八字句於第四句少二字作四字句異又前結二字短韻或有移作後段起句者今從詞律

又一體

雙調一百二十五字前段十五句七平韻後段十句五平韻

柳永

紅塵紫陌

句

斜陽暮草長安道

句

是誰人

讀

斷魂處

句

迢迢匹馬西征韻新晴韻韶光明媚句輕煙淡薄和氣

暖句望花却讀路隱映句搖鞭時過長亭韻愁生韻傷

鳳城仙子句別來千里重行行韻又記得臨歧句淚眼

濕讀蓮臉盈盈韻銷凝韻花朝月夕句最苦冷落銀

屏韻想媚容耿耿句無眠屈指句已算回程韻相縈韻

空萬般思憶句爭如歸去覩傾城韻向繡幃讀深處並

枕句說如此牽情韻

此詞後段即柳仄韻詞體惟結句多一字若前段則起結亦同惟起五句後又多五句不同其自注仙呂

調即夷則羽亦與中呂
調之為夾鐘羽者不同

玉團兒

調見周邦彥片玉詞因清真集不載故方千里楊澤民陳允平俱無和詞宋惟盧炳袁去

華兩詞
可校

玉團兒

雙調五十二字前後
段各五句三仄韻

周邦彥

鉛華淡泞新妝束

韻

好風韻

讀

天然異俗

韻

彼此知名

句雖然初見

句

情分先熟

韻

鑪煙淡淡雲屏曲

韻

睡

半醒

讀

生香透肉

韻

賴得相逢

句

若還虛過

句

足

韻

此詞前後段兩結句第二字例用仄聲有盧炳詞全似深熟心事忒足袁去華詞綠蓋紅顏相應相答似字事字蓋字應字俱仄聲可証按袁詞前段第二句獨著我扁舟一葉著字仄聲盧詞前段第四句情懷雅合雅字仄聲後段第一句耳邊笑語論心曲耳字仄聲第四句清風明月清字平聲譜內可平可仄此據

傾杯令

唐教坊曲有傾杯樂調名本此但此令詞與慢詞名傾杯樂者不同

傾杯令

雙調五十二字前段五句三仄韻後段四句三仄韻

呂渭老

楓葉飄紅

蓮房浥露

枕席嫩涼

先到

簾外蟾華

如掃

枝上啼鴉

催曉

秋風又送

潘郎老

小窓

明

讀

疎

紅

殘

照

韻

登

高

送

遠

惆

悵

句

白

髮

新

愁

未

了

韻

此調祇有呂詞二首宋元人無填此者 呂詞別首
前段起句隔座藏鉤隔字仄聲第四句箏按教坊新
譜教字仄聲結句樓外月生春浦月字仄聲後段起
句徘徊爭恐忙歸去爭字平聲餘與此詞平仄如一

鋸解令

詞見逃
禪詞

鋸解令

雙調五十二字前段四句
兩仄韻後段四句三仄韻

楊无咎

送人歸後酒醒時

句

睡不穩

讀

衾翻翠縷

韻

應將別淚

韻

灑西風

句

盡化作

讀

斷腸夜雨

韻

卸帆浦

韻

叙叙

韻

一種

韻

悽惶兩處

韻

尋思却是

我無情

句

便不解

讀

寄將夢去

韻

韻

此調祇有此詞
無別首可校

雙鴈兒

一名雙燕子中原音韻入商調按此調微近
醉紅妝但醉紅妝後段第三句不用韻此則

前後俱
用韻也

雙鴈兒

雙調五十二字前後
段各四句四平韻

楊元咎

窮陰急景暗推遷

減綠鬢

損朱顏

利名牽役幾

時間

又還驚

一歲圓

勸君今夕不須眠

滿滿

泛觥船

大家沈醉對芳筵

願新年勝舊

年韻

按花草粹編兩段刺作兩首今依本集訂定此詞無別首可校

尋芳草

調見稼軒詞自注一名王孫信

尋芳草

雙調五十二字前段四句四仄韻後段四句三仄韻

辛棄疾

有得許多淚更閒却許多鴛被枕頭兒放處

都不是舊家時怎生睡更也沒書來那堪

被鴈兒調戲道無書却有書中意排幾箇

人人字韻

此調祇有此詞
無別首可校

恨來遲

梅苑詞名
恨歡遲

恨來遲

雙調五十二字前段六句
兩平韻後段五句三平韻

王灼

柳暗汀洲

句

最春深處

句

小宴初開

韻

似泛宅浮家

句

水平風軟

句

咫尺蓬萊

韻

更勸君

讀

吸盡紫霞杯

韻

醉看鸞鳳徘徊

韻

正洞裏桃花

句

盈盈一笑

句

依舊憐

才

才韻

此詞以此詞為正體若梅苑詞之觀字乃變格也但
宋元人填此詞者甚少故此詞可平可仄悉參後詞

又一體

雙調五十三字前段五句
兩平韻後段四句三平韻

梅苑

無名氏

獨占江梅

句

淡薄情懷

句

淺綴胭脂

韻

最好是

讀

嚴凝

苦寒天氣

句

却是開時

韻

也不許

讀

桃李鬪妍媸

韻

也不許

讀

霜雪相欺

韻

又只恐

讀

誰家一聲羌笛

句

落

盡南枝

韻

此較王詞多一襯字前段第四句後段第三句句法亦異

珍珠令

詞見張炎山中白雲詞

珍珠令

雙調五十二字前段五句四仄
韻後段五句三仄韻一疊韻

張炎

桃○花○扇○底○歌○聲○杳○

愁○多○少○

便○覺○道○

花○陰○間○了○

因○甚○不○歸○來○

甚○歸○來○不○早○

滿○院○飛○花○休○要○掃○

和○春○都○

待○留○與○

薄○情○知○道○

知○道○

怕○一○似○飛○花○

和○春○都○

老○

此本張炎自度曲
無別首宋詞可校

壽延長破字令

調見高麗
史樂志

壽延長破字令

雙調五十二字前後
段各四句四仄韻

高麗史樂志

無名氏

青○春○玉○殿○和○風○細○
韻○奏○簫○韶○絡○繹○
韻○繞○行○雲○飄○飄○曳○

韻○泛○金○尊○
讀○流○霞○灑○溢○
韻○瑞○日○暉○暉○臨○丹○宸○
韻○布○仁○

慈○德○意○
韻○遐○邇○願○聽○歌○聲○綴○
韻○萬○萬○年○
讀○仰○瞻○宴○啟○
韻○

此高麗壽延長舞隊曲也
因其雜用唐樂故採之

獻天壽令

調見高麗
史樂志

獻天壽令

雙調五十二字前後
段各四句三平韻

高麗史樂志

無名氏

閼苑人間雖隔句遙聞聖德彌高韻西離仙境下雲霄

韻來獻千歲靈桃韻上祝皇齡齊天久句猶舞蹈讀

賀賀聖朝韻梯航交輳四方遙韻端拱永保宗桃韻

此高麗獻仙桃舞隊曲也因所用唐樂故採之

折花令

調見高麗史樂志

折花令

雙調五十二字前後段各五句三仄韻

高麗史樂志

無名氏

翠幕華筵

句

相將正是

多歡宴

韻

舉舞袖

讀

回旋徧

韻

羅綺簇宮商

句

共歌清羨

韻

莫惜沈醉

句

瓊漿泛泛

韻

金尊滿

韻

當永日

讀

長游衍

韻

願燕樂嘉賓

句

嘉賓式

燕

韻

此高麗拋毬樂舞隊曲也
因所用唐樂故採之

紅窓聽

柳永詞注

仙呂

調一名紅窓睡

紅窓聽

雙調

五十三字

前段四句

三仄韻

後段五句

三仄韻

晏

殊

淡薄梳妝輕結

韻

束

天付與

讀

臉紅睂綠

韻

連環書素

韻

連環書素

韻

傳情久。句。許雙飛同宿。韻。一晌無端分比目。韻。誰知。

道。讀。風前月底。句。相看未足。韻。此心終擬。句。覓鸞絃重。

續。韻。

此調祇此一體有晏詞別首及柳永詞可校。按晏詞別首前段第一句彼此有萬重心訴亦七字句。柳詞前段第二句舉措有許多端正與此同。汲古閣本多一峰字者誤。至晏詞別首兩結句隔桃源無處託鴛鴦飛去柳詞兩結句表溫柔心性却寬人薄倖俱作上一下四句法。柳詞前段起句如削肌膚紅玉瑩如字平聲第三句二年三歲同鴛鴦二字仄聲譜內據之若前段第二句之天字可仄後段結句之重字可仄亦本柳詞詳見本詞注中。

上林春令

宋史樂志
屬中呂宮

上林春令

雙調五十三字前後
段各四句三仄韻

毛滂

蝴蝶初翻簾繡。萬玉女、讀齊回舞袖。韻落花飛絮濛

濛。句長憶著、讀灞橋別後。韻濃香斗帳自永漏。韻任

滿地、讀月深雲厚。韻夜寒不近流蘇。句祇憐他、讀後庭

梅瘦。韻

詞律錄楊元咎詞四十字一體脫去前段第三四句
兩句今按楊本集作穠李夭桃堆繡正暖日如熏芳
袖流鶯恰恰嬌啼似為勸百觴進酒少年不用稱遐
壽願來歲如今時候相將得意皇都同攜手上林春

畫即毛詞五十三字體
也譜內可平可仄參之

紅窓迴

調見周邦彥片玉詞

紅窓迴

雙調五十三字前段六句四仄韻後段五句三仄韻

周邦彥

幾日來

句

真箇醉

韻

早窓外亂紅

句

已深半指

韻

花影

被風搖碎

韻

擁春醒未起

韻

有箇人人生

濟楚

句

向

耳邊問道

句

今朝醒未

韻

情性漫騰騰

地

惱得人越

醉

韻

此詞坊刻向多脫誤今從詞緯本改正此
惟歐良一詞可校故可平可仄悉參歐詞

又一體

雙調五十三字前段六句五仄韻後段四句四仄韻

歐良

河○可○挽○

韻

石○可○轉○

韻

那○一○箇○愁○字○

句

却○難○驅○遣○

韻

睂○向○

酒○邊○暫○展○

韻

酒○後○依○舊○見○

韻

楓○葉○滿○堦○紅○萬○片○

韻

待○

拾○來○

讀

一○一○題○寫○教○徧○

韻

却○倩○霜○風○吹○卷○

韻

直○到○沙○島○

遠○

韻

此與周詞同惟前後段起句多押一韻後段第二三句作九字一句異

紅羅襖

唐教坊曲名

紅羅襖

雙調五十三字前段六句兩平韻後段四句四平韻

周邦彥

畫燭尋歡去句 羸馬載愁歸韻 念取酒東壚句 尊疊雖

近句 採花南圃句 蜂蝶須知韻 自分袂讀 天闊鴻稀

韻 空懷夢約心期韻 楚客憶江離韻 算宋玉讀 未必為

秋悲韻

汲古閣本後段第二句空懷車夢約心期誤多一車字今從花草粹編改正 此詞前段第一二句及三

四五六句例作對偶陳允平和詞亦然其平仄亦如一惟前段起句別來書漸少來字平聲漸字仄聲與

此小異

折桂令 中原音韻注雙調一名秋風第
一枝又名天香引又名蟾宮曲

折桂令

雙調五十三字前段六句三平
韻後段五句一葉韻三平韻

倪瓚

片帆輕。水遠山長。鴻鴈將來。菊蕊初黃。碧海

鯨鯢。蘭苔翡翠。風露鴛鴦。問音信。何人諦

當。想情懷。舊日風光。楊柳池塘。隨處凋零。

無限思量。

元人小令不拘襯字者莫過此詞茲擇其尤雅者採
以備體更列減字一體添字二體以盡其變按張
可久詞前段起句俯蒼波樓觀烟霞樓字平聲第三
句歌韻流鶯歌字平聲第四句紅綠幽歡紅字平聲

後段起句留過客江山自靈留字平聲過字仄聲譜內可平可仄據此其餘叅校下二張詞

又一體

雙調五十字前段六句三平韻後段五句三平韻

張可久

紅塵不到山家

韻

贏得清閒

句

當了繁華

韻

畫列青山

句煙鋪細草

句

鼓奏鳴蛙

韻

楊柳卸中賣瓜

句

蒺藜

韻

沙上看花

韻

生計無多

句

陶令琴書

句

杜曲桑麻

韻

此與倪詞同惟前段起句後段起句第二句各減一字

又一體

雙調六十三字前段六句三平韻後段十句一葉韻四平韻

張可久

寫黃庭讀換得白鵝韻舊酒猶香句小玉能歌韻命友

南山句懷人北海句邀世東坡韻昨日春句今日秋

句清閒在我句百年人句千年調句煩惱由他韻樂事

無多韻良夜如何韻去了朱顏句還再來麼韻

此與倪詞同惟後段第一二句各添三字第三句以下多四字一句

又一體雙調一百字前段十一句五平韻後段八句四平韻白元咎

漱表塵土壁征鞍句鞭絲倦裊蘆花韻弓劍蕭蕭句一

徑入煙霞韻動羈懷讀西風木葉句秋山蕪葭韻千點

萬點句老樹昏鴉韻三行兩行句寫長空啞啞句鴈落

平沙韻曲岸西邊句近水灣韻漁網綸竿釣槎韻斷

橋東壁句傍溪山韻竹籬茅舍人家韻滿山滿谷句紅

葉黃花韻正是淒涼時候句離人又在天涯韻

此詞一名百字折桂令按太和正音譜所錄歷征鞍
鞭裊蘆花弓劍蕭蕭一徑煙霞秋水蒹葭老樹昏鴉
鴈落平沙近水灣綸竿釣槎傍溪山茅舍人家紅葉
黃花淒涼時候人在天涯實則五十三字即倪瓚體
也可見元人小令襯
字之多與宋詞不同

荔子丹

調見高麗
史樂志

荔子丹

雙調五十三字前後段各四句三平韻

高麗史樂志

無名氏

闌巧宮妝掃翠睂韻相喚折花枝韻曉來深入豔芳裏

句紅香散讀露浥在羅衣韻盈盈巧笑咏新詞韻舞

態畫嬌姿韻嫋娜文回迎宴處句簇神仙讀會赴瑤池

韻

宋賜高麗大晟樂故樂志中猶存宋人詞此亦其一也無別首可校

臨江仙

唐教坊曲名花庵詞選云唐詞多緣題所賦臨江仙之言水仙亦其一也宋柳永詞注仙

呂調元高拭詞注南呂調李煜詞名謝新恩賀
鑄詞有人歸落鴈後句名鴈後歸韓滉詞有羅
帳畫屏新夢悄句名畫屏春李清照詞有庭院
深深深幾許句名庭院深深按樂章集又有
七十四字一體九十三字一體汲古閣本俱刻
臨江仙今據花草粹編校定一作臨江仙引一
作臨江仙慢故不類列按臨江仙調起於唐
時惟以前後段起句結句辨體其前後兩起句
七字兩結句七字者以和凝詞為主無別家可
校其前後兩起句七字兩結句四字五字者以
張泌詞為主而以牛希濟詞之起句用韻李煜
詞之前後換韻顧夔詞之結句添字類列其前
後兩起句俱六字兩結俱五字兩句者以徐昌
圖詞為主而以向子諲詞之第四句減字類列
其前後兩起句俱七字兩結俱五字兩句者以
賀鑄詞為主而以晏幾道詞之第二句添字馮

延已詞之前後換韻後段第四句減字王觀詞
之後段第四句減字類列蓋詞譜專主辨體原
以創始之詞正體者列前減字添字者列後茲
從體製編次稍詮世代故不能仍挨字數多寡
也他調
準此

臨江仙

雙調五十四字前後
段各四句三平韻

和凝

海棠香老春江晚

句

小樓霧縠空濛

韻

翠鬟初出繡簾

中

韻

麝煙驚佩惹蘋風

韻

碾玉釵搖鵲戰

句

雪肌

雲鬢將融

韻

含情遙指碧波東

韻

越王臺殿夢花紅

韻

此詞前後段兩結句俱七字見花間集和詞二首唐
宋元人無照此填者按和詞別首前段起句披袍

率地紅宮錦披字平聲率字仄聲第二句鶯語時轉
輕音鶯字時字俱平聲語字仄聲後段起句肌骨細
勻紅王軟肌字平聲細字仄聲第三句嬌羞不肯入
羅衾不字仄聲結句蘭膏光裏兩情深蘭字平聲譜
內可平可
反據此

又一體

雙調五十八字前後
段各五句三平韻

張泌

煙消湘渚秋江靜
蕉花露泣愁紅
五雲雙鶴去無

蹤
幾回魂斷
凝望向長空
翠竹暗流珠淚怨

閒調寶瑟波中
花鬟月鬢綠雲重
古祠深處

香冷雨和風

此詞前後段兩結俱四字一句五字一句按花間集
顧夙尹鷄毛熙震詞與此同惟孫光憲詞前段起句
暮雨淒淒深院閉與鹿虔扈詞金鎖重門荒苑靜同
宋歐陽修蔡伸趙彥端張掄諸詞本之又李煜詞後
段起句春光鎮在人空老宋柳永詞本之皆與此詞
平仄全異至平仄小異者李煜詞前後段第二句蝶
翻輕粉雙飛望殘煙草低迷蝶字望字俱仄聲輕字
煙字俱平聲歐陽修詞前段第三句如今薄宦老天
涯如字平聲薄字仄聲孫光憲詞後段第三句不堪
心緒正多端不字仄聲心字平聲尹鷄詞兩結迢迢
覺後特地恨難平梧桐葉上點點露珠零迢字梧字
俱平聲覺字葉字特字點字俱仄聲譜內可平可仄
此據

又一體

雙調五十八字前段五句
四平韻後段五句三平韻

牛希濟

柳帶搖風漢水濱韻平蕪兩岸爭韻鴛鴦對浴浪痕

新韻弄珠遊女句微笑自含春韻輕步暗移蟬鬢動

句羅裙風惹輕塵韻水晶宮殿豈無因韻空勞纖手句

解佩贈情人韻

此即張詞體但前段起句用韻按花間集牛詞七首
皆然惟一首前段起句或作謝家仙觀寄雲岑又一
首或作洞庭波浪颭晴天與毛文錫詞暮蟬聲裏落
斜陽閣選詞雨停荷葉逗濃香句同俱與此詞平仄
全異其餘可平可仄
已見張詞故不復注

又一體雙調五十八字前後

南唐

李煜

庭○空○客○散○人○歸○後○句畫○堂○半○掩○珠○簾○韻林○風○浙○浙○夜○厭○

厭○韻小○樓○新○月○句回○首○自○織○織○韻春○光○鎮○在○人○空○老○

句新○愁○往○恨○何○窮○韻換○金○刀○力○困○起○還○慵○韻一○聲○羌○笛○句

驚○起○醉○怡○容○韻

此亦張詞體惟前後段換韻異此詞字句悉同張詞牛詞具可平可仄亦同不復注

又一體雙調六十字前後段各六句三平韻

顧 夔

碧○染○長○空○池○似○鏡○句倚○樓○閒○望○凝○情○韻滿○衣○紅○藕○細○香○

清○韻象○牀○珍○簾○句山○障○掩○句玉○琴○橫○韻暗○想○昔○時○歡○

笑事。句。如今贏得愁生。韻。博山鑪煖。淡煙輕。韻。蟬吟人。

靜。句。殘日傍。句。小窓明。韻。

此亦張詞體。惟兩結句各添一字作三字兩句。異在花間集亦僅見。此體無別首可校。

又一體。雙調五十八字。前後各五句三平韻。

徐昌圖

飲散離亭西去。句。浮生長恨飄蓬。韻。回頭煙柳漸重重。

韻。淡雲孤鴈遠。句。寒日暮天紅。韻。今夜畫船何處。句。

潮平淮月朦朧。韻。酒醒人靜。奈愁濃。韻。殘燈孤枕夢。句。

輕浪五更風。韻。

此詞前後段第一二句俱六字兩句校張詞減一字
兩結俱五字兩句校張詞添一字宋晏幾道陳師道
陸游史達祖高觀國趙長卿元詹正諸詞俱本此填
但前段第一句如晏詞之旖旎仙花解語陳詞之曲
巷間街信馬趙詞之春事猶餘十日史詞之草脚青
回細膩後段第一句如晏詞之沈水濃熏繡被趙詞
之香淡無心浸酒陸詞之只道真情易寫高詞之前
度詩留醉袖第五字皆用仄聲與此小異又晏幾道
詞後段第四五句相尋夢裏路飛雨落花中夢字
仄聲又與諸家小異譜內據之其餘即參向詞

又一體

雙調五十六字前後
段各五句三平韻

向子諲

新月低垂簾額。小梅半出簷牙。高堂開宴靜無譁。

麟孫鳳女。學語正。呶呶。韻
寶鼎騰熏沈水。瓊

爨爛醉流霞韻 薌林同老此生涯韻 一川風露句 總道

是仙家韻

此詞前後段起二句與徐昌圖詞同第三句以下仍與張詞同按惜香樂府破廬盈盈詞夜久笙簫詞正與此同

又一體

雙調六十字前後段各五句三平韻

賀鑄

巧翦合歡羅勝子句 釵頭春意翩翩韻 豔歌淺笑拜媽

然韻 願郎宜此酒句 行樂駐華年韻 未至文園多病

客句 幽襟淒斷堪憐韻 舊遊夢挂碧雲天韻 人歸落鴈

後句思發在花前韻

卷十

此詞前後段第四句校張詞各添一字宋元詞俱照此填惟秦觀詞前段起句千里瀟湘接藍浦藍字平聲葛勝仲詞後段起句今夜那愁煞風景今字平聲那字仄聲風字平聲間作拗句又黃機詞前後兩結驛程那復記魂夢已先飛絳陰幽邃處不管盡情啼那字仄聲幽字平聲譜內據此若趙長卿詞後段第四句仙源正間散間字或用平聲此偶誤不必從其餘字句與諸家同者可平可仄悉可參校故不復注

又一體

雙調六十二字前後段各五句三平韻

晏幾道

東野亡來無麗句。于君去後少交親。追思往事好

沾巾。韻白頭王建在。猶見咏詩人。韻學道深山空

自老句留名千載不干身韻酒筵歌席莫辭頻韻爭如

南陌上句占取一年春韻

此與賀詞同惟前後段第二句各添一字作七字句異宋詞僅見此體無別首可校

又一體

雙調五十九字前後段各五句三平韻

馮延巳

冷紅飄起桃花片句青春意緒闌珊韻畫樓簾幙卷輕

寒韻酒餘人散後句獨自凭闌干韻夕陽千里連芳

草句萋萋愁殺王孫韻徘徊飛盡碧天雲韻鳳笙何處

句圓月照黃昏韻

此亦張詞體惟前結五字
兩句又前後段換韻異

又一體

雙調五十九字前後
段各五句三平韻

王觀

別浦相逢何草草。扁舟兩岸垂楊。繡屏珠箔綺香。

囊酒深歌拍緩。愁入翠睂長。燕子歸來人去。

也。此時無奈昏黃。桃花應似我愁腸。不禁微雨。

句
流淚濕紅妝。韻

此與馮詞同惟前後段不換韻異。按馮延巳秣陵
江上詞前結青帘斜挂裏新柳萬枝金後結天長烟
遠凝恨獨沾襟又秦觀髻子偎人詞前結斷腸攜手
處何事太匆匆後結夕陽流水紅滿淚痕中正與此

同但馮詞前後段兩起句秣陵江上多
離別隔江何處吹橫笛平仄與此異

浪淘沙令

樂章集注歇指調蔣氏九宮譜目越調按
唐書禮樂志歇指調乃林鍾律之商聲越

調乃無射律之商聲也賀鑄詞夕曲入冥李清
照詞名賣花聲史達祖詞名過龍門馬鈺詞名
煉丹砂按唐人浪淘沙本七言斷句至南唐
李煜始製兩段今詞雖每段尚存七言詩兩句
其實因舊曲名另創新聲也杜安世詞於前段
起句減一字柳永詞於前後段起句各減一字
均為令詞句讀悉同即宋祁杜安世仄韻詞稍
變音節然前後第二句四字第三句七字其源
亦出于李煜詞也至柳永周邦彥別作慢詞與
此截然不同蓋調長拍緩即古曼聲之意也詞
律於令詞強為分體於
慢詞或為類列者誤

浪淘沙令

雙調五十四字前後
段各五句四平韻

南唐

李煜

簾外雨潺潺

韻

春意闌珊

韻

羅衾不耐五更寒

韻

夢裏

韻

不知身是客

句

一晌貪歡

韻

獨自莫憑闌

韻

無限江

山

韻

別時容易見時難

韻

流水落花春去也

句

天上人

間

韻

此調平韻者以此詞為正體若杜詞之或減字或添字柳詞之減字皆變格也此詞前後段兩起句俱五字宋元人俱本此填按李詞別首前段第一句往事只堪哀往字仄聲晏幾道詞前段第四句惟恨花

前攜手處惟字平聲後段第四句曳雨牽雲留客醉
牽字平聲歐陽修詞後段結句特地魂消特字仄聲
譜內可平可仄據之餘叅杜詞柳詞又按石孝友
詞好恨這風兒催俺分離船兒吹得去如飛因甚着
兒吹不展耐耐風兒不是這船兒載起相思船兒若
念我孤恁載取人人蓬底睡感謝風兒前後段疊用
四兒字韻此乃獨木橋體
用韻遊戲非別是一體也

又一體

雙調五十三字前後
段各五句四平韻

杜安世

後約無憑

韻

往事堪驚

韻

秋蛩永夜繞牀鳴

韻

展轉尋

思求好夢

句

還又難成

韻

愁思若浮雲

韻

消盡重生

佳人何處獨盈盈

韻

可惜一天無用月

句

空為誰明

韻

此即李詞體惟前段起句減一字異此詞汲古閣本後段結句多一照字按李之儀霞卷雲舒詞正與此同後段結句略借工夫原只四字因為校正詞律論李詞前段起句疑脫一字按杜詞二首前段起句皆四字後段起句皆五字可証蓋詞中換頭句或多一字或多二三字謂之過變原不拘定前後如一也

又一體

雙調五十五字前段六句四平韻後段五句四平韻

杜安世

簾外微風

韻

雲雨回蹤

韻

銀釭爐冷

錦幃中

韻

枕上深

盟

句

年少心事

句

陡頓成空

韻

嶺外白頭翁

韻

到沒

由逢

韻

一牀鴛被疊香紅

韻

明月滿庭花似繡

句

悶不

見蟲蟲韻

此詞前段年少心事句後段問不見蟲蟲句疑有脫誤但按安世仄韻詞句讀與此如一自應採入以備一體舊譜刪之者誤

又一體

雙調五十二字前後段各五句四平韻

柳永

有箇人人

韻

飛燕精神

韻

急將環佩上華裀

韻

促拍盡

隨紅袖舉

句

風柳腰身

韻

菽菽輕裙

韻

妙盡尖新

韻

曲終獨立斂香塵

韻

應是四肢嬌困也

句

睂黛雙顰

韻

此詞汲古閣本首句誤刻有一箇人人第四句促拍脫一拍字今從花草粹編改定又高麗史樂志載宋

所賜大晟樂有此詞與花草粹編同 按此即李煜
詞體不過前後段兩起句各減去一字耳詞律因樂
章集調名加以今字另收在後不知宋詞字數少者
為今字數多者為慢即李煜詞在本集原名浪淘沙
令詞律自
未考索耳

又一體

雙調五十四字前後
段各四句四仄韻

宋 祁

少年不管

韻

流光如箭

韻

因循不覺韶華換

韻

到如今

讀

始惜月滿花滿酒滿

韻

扁舟欲解垂楊岸

韻

尚同

歡宴

韻

日斜歌闌將分散

韻

倚蘭橈

讀

望水遠天遠人

遠

韻

押仄韻者祇有宋杜二詞句讀各異俱無宋元詞可校此詞前結三滿字後結三遠字皆上聲不可用去聲字替按何籀宴清都詞前段結句天遠山遠水遠人遠疊用四遠字其源蓋出於此

又一體

雙調五十五字前段六句三仄韻後段五句四仄韻

杜安世

又是春暮

韻

落花飛絮

韻

子規啼盡

韻

斷腸聲

韻

秋千度

韻

院

白

紅旗綵索

句

淡煙疎雨

韻

念念相思

韻

苦

韻

黛眉

韻

長聚

韻

碧池驚散

韻

睡鴛鴦

句

當初容易

韻

分飛去

韻

恨孤

韻

負歡侶

韻

此與押平韻簾外微風詞句讀悉同

金錯刀

漢張衡詩美人贈我金錯刀調名本此此調見花草粹編一名醉瑤瑟葉李押仄韻詞名

君來路

金錯刀

雙調五十四字前後段各五句三平韻

馮延巳

雙玉斗

句

百瓊壺

韻

佳人歡

飲笑喧

呼

麒麟欲

畫時

難偶

句

鷗鷺何

猜興不

孤

韻

歌婉轉

句

醉糝糊

韻

高

燒銀燭

句

卧流蘇

韻

只銷幾

覺情騰

睡

句

身外功

名任有

無

韻

此詞陽春集不載見花草粹編採以備調此詞可平可仄即參馮詞別首

又一體

雙調五十四字前後段各五句三平韻一仄韻

馮延巳

日融融

句

草芊芊

韻

黃鶯求友啼

林前

韻

柳條裊裊拖

日融融

金線

叶

花蕊茸茸簇

錦毬

韻

鳩逐婦

句

燕穿簾

韻

狂

蜂浪蝶相翩翩

韻

春光堪賞還堪玩

叶

惱殺東風悞少

年

年韻

此即雙玉斗詞體惟前後段第四句各叶一反韻異

又一體

雙調五十四字前後段各五句三仄韻一疊韻

葉李

余歸路

韻

君來路

疊

天理昭昭胡不悟

韻

公田闢子竟

何如。句子細思量。真自誤。韻 雷州戶。韻 崖州戶。疊人
生會。有相逢處。韻 客中邂逅。乏蒸羊。句 聊贈一篇長短。韻

此與馮詞押平韻者。句讀悉同。惟前後段起句用韻異。

端正好。楊元咎詞名於中好。中原音韻注正宮。

端正好。雙調五十四字。前後段各四句。四仄韻。

杜安世

檻菊愁煙。露秋露。韻 天微冷。讀 雙燕辭去。韻 月明空照。

別離苦。韻 透素光。讀 穿朱戶。韻 夜來西風彫寒樹。韻

凭闌望。讀。迢迢長路。韻。花箋寫就此情緒。韻。待寄傳。讀。

知何處。韻。

此詞句讀悉與楊詞同惟平仄不同即本集詞四首其平仄亦各異想即音律所寓若互相參校便易混淆倚聲者無所適從附錄三詞以聽按譜者之選聲焉其一詞每逢春來長如病玉容瘦薄妝相稱雙歡未久成孤冷奈後約全無定衆禽啾啾聲愁聽相思事多少春恨孤眠帳外銀缸耿透一照鑪煙暝又一詞露落風高桐葉墜小庭院秋涼佳氣蘭堂聚飲華筵啟罷今曲呈珠綴晚天行雲凝香袂新聲內分明心意玉鑪初噴檀烟起斂愁在雙蛾翠又一詞野禽林棲啾啾語閨庭殘陽將暮蘭堂靜悄珠簾窄想玉人歸何處喜鵲幾回空無據愁都在雙眉頭聚淒涼方感孤鴛侶對夜永成愁緒以上三詞平仄

各異附錄
以備參考

又一體

雙調五十四字前後
段各四句四仄韻

楊元咎

濺。濺。不住。溪。流。素。韻。憶。曾。記。讀。碧。桃。紅。露。韻。別。來。寂。寞。

朝。朝。暮。暮。韻。恨。遮。斷。讀。當。時。路。韻。仙。家。豈。解。空。相。誤。韻。

歎。塵。世。讀。自。難。知。處。韻。而。今。重。與。春。為。主。韻。儘。浪。蕊。讀。

浮。花。如。讀。

此與杜詞同因平仄妥順採以為式有楊詞別首可
校按楊詞別首前後段第二句遠珠叢細按紅蕊早
一葉兩葉飛墜叢字平聲一字及下葉字俱仄聲後
段第三句晚來旋旋深無地晚字上旋字俱仄聲結

句更聽得東風起聽字平
聲譜內可平可仄據此

杏花天

蔣氏九宮譜目入越調辛棄疾詞名杏花風
此調微近端正好坊本頗多誤刻今以六

字折腰者為端正好六
字一氣者為杏花天

杏花天

雙調五十四字前後
段各四句四仄韻

朱敦儒

淺○春○庭○院○東○風○曉○韻○細○雨○打○讀○鴛○鴦○寒○悄○韻○花○尖○望○見○

秋○千○了○韻○無○路○踏○青○鬬○草○韻○人○別○後○讀○碧○雲○信○杳○韻○

對○好○景○讀○愁○多○歡○少○韻○等○他○燕○子○傳○音○耗○韻○紅○杏○開○還○

未到韻

此調以此詞為正體。若使詞虛詞之添字皆變格也。
按宋元人俱照此填。惟汪莘詞前段起句殘雪林
塘春意淺。周密詞後段起句琵琶淚。搵青衫。淺句法全
仄。全異謝懋詞。後段起句琵琶淚。搵青衫。淺句法全
異。至江開詞前段第二句四無人。花梢轉影高。觀國
詞後段第二句怕行人。秋千徑裏兩人字。俱平聲。周
密詞前後段第二句着柳嫩。不禁愁。積歌舞。夢欲尋
無跡。着字歌字俱平聲。不字欲字俱仄聲。後段結句
日暮石城風急。石字仄聲。風字平聲。又高觀國詞換
頭句春禽靜。來窺晴晝。禽字晴字俱平聲。前結舒卷
清寒時。侯清字時字俱平聲。平仄
各異。譜內據之餘叅侯詞虛詞。

又一體

雙調五十五字。前後段各四句。四仄韻。

侯寘

寶釵整鬢雙鸞鬪。韻
睡纔醒。讀
薰風襟袖。韻
綵絲皓腕。

宜清晝

韻

更艾虎

讀

衫兒新就

韻

玉杯共飲

韻

菖蒲酒

韻

願耐夏

讀

宜春廝守

韻

榴花故意

紅添

皺

韻

映得人

韻

來越瘦

韻

此與朱詞同惟前段結句添一觀字
換頭七字不作上三下四句法異

又一體

雙調五十六字前後段各四句四仄韻

盧炳

鏤冰翦玉

工夫費

韻

做六出

讀

飛花亂墜

韻

舞風情態

韻

韻

誰相似

韻

算只有

讀

江梅可比

韻

極目處

讀

瓊瑤萬

韻

里韻海

天閣

讀

清寒似水

韻

從教高卷珠簾

起

韻

看三

韻

白讀豐年瑞氣韻

此亦與朱詞同惟前後
段兩結句各添一字異

天下樂

唐教坊
曲名

天下樂

雙調五十四字前後
段各四句四仄韻

楊无咎

雪後雨兒雨後雪韻鎮日價讀長不歇韻今番為寒忒

太切韻和天地讀也來厮別韻睡不著讀身心自暗

擷韻這況味讀憑誰說韻枕衾冷得渾似鐵韻祗心頭

讀
些箇熱韻

此見逃禪詞止此
一首無別詞可校

戀繡衾

韓流詞有淚珠彈猶
帶粉香句名淚珠彈

戀繡衾

雙調五十四字前段四句
三平韻後段四句兩平韻

朱敦儒

木落江南感未平。雨滿滿。衰鬢到今。甚處是讀

長安路。句水連空。讀山鎖暮雲。韻老人對酒。今如此。

句一番新。讀殘夢暗驚。韻又是灑。讀黃花淚。句問明年。

讀此會怎生。韻

此調以此詞為正體。若周詞之句法小異。辛韓趙三
詞之添字皆變格也。按南宋詞前段起句俱作拘

體如史達祖詞之黃花驚破九日愁又吳梅初試澗
谷春與陸游詞之無方能駐臉上紅吳文英詞之頻
摩書眼怯細文蔣捷詞之舊金小袖花下行陳允平
詞之細桃紅淺柳褪黃皆同至辛棄疾詞之長夜偏
冷添被兒張翥詞之醉鄉殘夢驚喚醒句法又變俱
與此詞平仄全異填詞者選擇一體宗之自無混淆
之弊譜內可平可仄悉參所採諸詞惟前段第三句
甚字可平則據陸游詞歸棹借輕風便歸字平聲也

又一體

雙調五十四字前段四句
三平韻後段四句兩平韻

周密

粉黃衣薄沾麝熏韻
作南華讀春夢乍醒韻
活計一生

花裏句恨曉園讀
花露正深韻
芳溪有恨時時見句

趁游絲讀
高下弄晴韻
生怕被春歸了句
趕春風讀
低

度柳陰韻

詞律駁圖譜於此調第三句誤注六字若此詞則六字一氣原不折腰也但可謂之變體不可為正體耳

又一體

雙調五十五字前段四句三平韻後段四句兩平韻

辛棄疾

長夜偏冷添被兒韻枕頭兒韻移了又移韻我自是讀

笑別人底句却原來讀當局者迷韻如今只恨因緣

淺句也不會讀抵死恨伊韻合手下讀安排了句那筵

席讀須有散時

此詞見稼軒集前段第三句校朱詞多一視字

又一體

雙調五十五字前段四句
三平韻後段四句兩平韻

韓 滉

歡濃兩點笑顰兒

韻

雪初消

讀

梅欲放時

韻

不信道

讀

傷春瘦

句

怕人猜

讀

猶待皺眉

韻

香濃翠被屏山曲

句把珊瑚枕

讀

側過又移

韻

試與伴

讀

江頭去句但醉

翁亭上要詩

韻

此詞見澗泉詩餘後段第
二句校朱詞多一襯字

又一體

雙調五十六字前段四句
三平韻後段四句兩平韻

趙汝茆

柳絲空有萬千條

韻

繫不住

讀

溪頭畫橈

韻

想今宵

讀

也對新月。句過輕寒。讀何處小橋。韻玉簫臺。謝春多。

少句溜啼痕。讀盈臉未消。韻怪別來。讀燕脂慵傳。句被。

東風。讀偷在杏梢。

此詞見周密絕妙好詞選本前後
段第三句校朱詞各多一襯字

擷芳詞

古今詞話云政和間京師妓之姥曾嫁伶官
常入內教舞傳禁中擷芳詞以教其妓人皆

愛其聲又愛其詞類唐人所作張尚書即成都
蜀中傳此詞競唱之却于前段下添憶憶三

字後段下添得得三字又名摘紅英殊失其
義不知禁中有擷芳園故名擷芳詞也按程

垓詞名折紅英曾覲詞名清商怨呂渭老詞名
惜分釵陸游因詞中有可憐孤似釵頭鳳句改

名釵頭鳳能改齊漫錄
無名氏詞名玉璫璫

擷芳詞

雙調五十四字前後
段各七句六仄韻

古今詞話

無名氏

風搖動

韻

雨濛茸

韻

翠條柔弱

花頭重

韻

春衫窄

換香韻

肌濕

韻

記得年時

句

共伊曾摘

韻

都如夢

韻

何曾共

韻

可憐孤

似釵頭鳳

韻

關山隔

換韻

晚雲碧

韻

燕兒來也

韻

又無消息

韻

此詞每段六仄韻上三句一韻下四句又換一韻後
段即同前段押法但上三韻用上去聲下三韻必用

入聲如此詞上三韻前段用上聲之一董二腫後段即用去聲之一送二宋下三韻則用入聲之十一陌十三職合觀程垓陸游曾覲史達祖無名氏諸詞莫不皆然惟張翥詞上用入聲韻下用上去聲韻與此小異其後段第三句殘香剩粉那禁得結二句晚風又起倚闌怎忍平仄亦與此詞小異譜內據之餘衆下所採
仄韻詞

又一體

雙調五十八字前後段各九句七仄韻一疊韻

史達祖

春愁遠

春夢亂

鳳釵一股

輕塵滿

江煙白

江

波碧

柳戶清明

燕簾寒食

憶憶

鶯聲晚

簫聲短

落花不許春拘管

新相識

休相失

翠陌吹衣。句。畫樓橫笛。韻。得。韻。得。疊。

此見周密絕妙好詞選本較風搖動詞兩結各添二字疊韻要其每段兩仄韻則同一體也

又一體

雙調五十八字前後段各九句三仄韻四平韻一疊韻

呂渭老

重簾挂。微鐙下。背闌同說春風話。月盈樓。平。淚。

盈眸。覷著紅裯。無計遲留。休。休。鶯花謝。

春殘也。等閒泣損香羅帕。見無由。平。恨難收。韻。

夢短屏深。句。清夜濃愁。悠。悠。疊。

此與史達祖詞句讀同惟前後段第三句以下即換平韻宋沈伯時樂府指迷云入聲字可以平聲替此

調每段下三韻例用入聲此詞換平聲亦無不可也
按呂詞二首句韻悉同惟前段第三句柳絲拂馬花
迎面拂字反聲第七句暝色連空暝字反聲後段第
三句寶釵斜照春妝淺斜字平聲第六句試問別來
別字反聲第七句近日情懷近字反聲與此詞
平仄小異譜內據之餘叅下所採換平韻詞

又一體

雙調六十字前後段各十句七仄韻兩疊韻

程垓

桃花暖

韻

楊花亂

韻

可憐朱戶春

強半

韻

長記憶

探

韻換

芳日

韻

笑凭郎肩

韻

殢紅偎碧

韻

惜惜

韻

惜惜

韻

春

宵短

韻

離腸斷

韻

淚痕長向東風滿

韻

憑青翼

韻換

問消

韻

息

韻

花謝春歸

韻

幾時來得

韻

憶憶

韻

憶憶

韻

此亦風搖動詞體惟兩結各添三字疊韻異按陸游紅酥手詞無名氏城南路詞正與此同惟陸詞前後段第六七句一懷愁緒幾年離索山盟雖在錦書難托懷字盟字俱平聲緒字在字俱仄聲無名氏詞前段第四五句新相識舊相識舊字仄聲換頭句劉郎去阮即佳阮字仄聲譜內可平可仄據之餘詳前詞

又一體

雙調六十字前後段各十句三仄韻四平韻兩疊韻

宋媛

唐氏

世情薄

韻仄

人情惡

韻

雨送黃昏

韻

花易落

韻

曉風乾

韻平

乾淚

韻

淚

痕殘

韻

欲箋心事

韻

獨語斜闌

韻

難難難

韻

難難難

韻

難難難

韻

難難難

韻

人

成各

韻仄

今非昨

韻

病魂嘗似秋千索

韻

角聲寒

韻平

夜闌

韻

夜闌

韻

夜闌

韻

闌

珊韻怕人尋問句咽淚妝歡韻瞞韻瞞韻瞞疊瞞疊

此詞見齊東野語蓋唐氏答陸游作也即呂渭老平仄換韻詞體兩結又添一字惟前段第三句仄仄平

平平仄仄與各家異

鬢邊華

調見梅苑詞因詞中有映青鬢開人醉眼句取以為名

鬢邊華

雙調五十四字前段四句三仄韻後段四句兩仄韻

梅苑

無名氏

小梅香細豔淺

韻

過楚岸

讀

尊前偶見

韻

愛閒談

讀

天

與精神

句

映青鬢

讀

開人醉眼

韻

如今拋擲

句

經春

句

恨不見讀芳枝寄遠韻向心上讀誰解相思句賴長對

讀妝樓粉面韻

前後段字句悉同惟後段起句
不押韻換頭過變例須如此

玉樓人

調見梅苑
詞選本

玉樓人

雙調五十四字前後
段各四句三仄韻

梅苑

無名氏

去年尋處曾持酒韻還是向讀南枝見後韻宜霜宜雪

精神句沒些兒讀風味減舊韻先春似與羣芳鬪韻

暗度香讀不待頻嗅韻有人笑折歸來句玉纖長讀儘

露衫袖韻

此詞前段第二句花草粹編本
多一又字今照梅苑詞校正

江月晃重山

調見楊慎詞林萬選每段上三句
西江月體下二句小重山體

江月晃重山

雙調五十四字前後
段各五句三平韻

陸游

芳草洲前道

句夕陽樓上闌干

韻碧雲何處問歸鞍

韻從軍客句耽樂不思還

韻洞裏神仙種玉句江邊

騷客滋蘭

韻鴛鴦沙暖鵲鷓寒

韻菱花晚句不奈鬢毛

斑韻

元好問詞與
此平仄如一

南鄉一翦梅

每段上三句南鄉子
體下二句一翦梅體

南鄉一翦梅

雙調五十四字前後段
各五句三平韻一疊韻

虞集

南阜小亭臺

韻

薄有山花取次開

韻

寄語多情熊少府

句晴也須來

韻

雨也須來

疊

隨意且銜杯

韻

莫惜春

衣坐綠苔

韻

若待明朝風雨過

句

人在天涯

韻

春在天

涯

疊

舊譜以此與江月晃重山詞皆為犯調不知宋詞名
犯者取宮調相犯之義如仙呂調犯商調為羽犯商

類從未有以兩調相犯為犯者南北曲如此者更多其誤至今猶相沿也

鸚鵡曲

一名黑漆弩又名學士吟白元咎詞有儂家鸚鵡洲邊住句故名鸚鵡曲太平樂府注正

宮

鸚鵡曲

雙調五十四字前段四句三仄韻後段四句兩仄韻

白元咎

儂家鸚鵡洲邊住

韻

是箇不識字漁父

韻

浪花中讀一

葉扁舟

句

睡煞江南煙雨

韻

覺來時

讀

滿眼青山句

抖擻綠蓑歸去

韻

算從前

讀

錯怨天公

句

甚也有讀安

排我處

韻

御定詞譜卷十

此亦元人小令採以備體按太平樂府馮子振和此
詞三十六首前段第二句恰做了白髮傖父後段起
句故人曾喚我歸來第二句逝水看年華去俱與此
詞句法小異又前段起句團圓話裏禪龕住話字仄
聲第二句空桑子伊尹無父空字桑字伊字俱平聲
第三句坐曉丹忘記春秋忘字平聲後段起句總不
如水北相逢不字仄聲又曉鐘殘紅被留溫紅字平
聲第三句恨無題亭影樓心亭字平聲俱與此詞平
仄小異譜內可平可仄據之又馮詞序云結句甚
也有安排我處甚字必須去聲字我字必須上聲字
音律始諧不然不可歌按詞句轉腔例用去聲凡句
中兩仄字相連或去上或上去從無兩上聲字兩去
聲字者至去聲韻上聲韻煞尾疊用
兩仄字尤不可誤觀此可以類推